

Na osnovu člana 23. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“ broj: 8/15, i Odluke o davanju saglasnosti na Komunikacijsku strategiju Vlade Bosansko-podrinjskog kantona Goražde za period 2016-2018.godinu broj:03-49-386/16 od 01.04.2016. godine Vlada Bosansko-podrinjskog kantona Goražde na svojoj 58. sjednici održanoj dana 15.04. 2016. godine **d o n o s i**:

O D L U K U

o načinu ostvarivanja saradnje Službe za odnose s javnošću i kantonalnih organa uprave s ciljem informisanja javnosti

Član 1.

Ovom Odlukom uređuje se način uspostavljanja saradnje Službe za odnose s javnošću Bosansko-podrinjskog kantona Goražde i organa uprave u sastavu Bosansko-podrinjskog kantona Goražde u svrhu uspostavljanja efikasnog sistema informisanja javnosti.

Član 2.

Služba za odnose s javnošću informiše javnost o radu i aktivnostima Skupštine i Vlade Bosansko-podrinjskog kantona Goražde, resornih ministarstava, službi, uprava i direkcija u sastavu Bosansko-podrinjskog kantona Goražde.

Član 3.

Kako bi Služba mogla što efikasnije odgovoriti radnim zadacima iz svoje nadležnosti, potrebno je osigurati dobru saradnju sa svim organima uprave u sastavu Bosansko-podrinjskog kantona Goražde što podrazumijeva:

1. Zakazivanje sastanaka u organima uprave Bosansko-podrinjskog kantona Goražde ili press konferencija na kojima se zahtijeva prisustvo medija, **isključivo** posredstvom Službe za odnose s javnošću;
2. Obavještanje Službe o održavanju sastanaka ili drugih događaja o kojima se izvještava, kada se sastanak zakaže ili najkasnije dan prije održavanja sastanka;
3. Služba će u dogovoru sa ministrima, nakon svake sjednice Vlade ili jedanput mjesečno organizovati press konferencije o temama koje zaslužuju pažnju javnosti;
4. Press konferencije najavljuju se najkasnije dan prije njihovog održavanja; u izvanrednim okolnostima ili kada se radi o naročito važnoj informaciji, moguće je zakazati hitne press konferencije koje se zakazuju isti dan kada je planirano njihovo održavanje;
5. Pri objavljivanju informacija Služba se rukovodi prirodom posla ministarstava, odnosno kantonalnih organa uprave;

6. Za uposlenike Službe neophodno je osigurati prijevoz u slučaju kad se sastanak ili drugi događaj odvija izvan zgrade Vlade (izuzetak predstavljaju sastanci/ događaji koji se održavaju u neposrednoj blizini zgrade Vlade);
7. U slučaju kad nije moguće obezbijediti prijevoz za uposlenike Službe prilikom odlaska na neki sastanak/ događaj, ministarstvo ili drugi organ uprave osigurat će se materijal i fotografije sa takvih događaja radi objavljivanja na službenoj web stranici Bosansko-podrinjskog kantona Goražde;
8. S ciljem što efikasnijeg informisanja o važnim događajima iz nadležnosti organa uprave Bosansko-podrinjskog kantona Goražde, Služba će u dogovoru s ministarstvima ili drugim organima uprave dogovoriti o prioritetima koji se taj dan trebaju objaviti, te naći drugi pogodan termin za objavljivanje eventualno preostalih informacija kako se ne bi desilo da zbog broja objava na službenoj web stranici na dnevnoj osnovi informacije izgube na značaju;
9. Kako bi se osiguralo blagovremeno objavljivanje informacija, javnih poziva, konkursa ili obavještenja na službenoj web stranici Vlade Bosansko-podrinjskog kantona Goražde, svaki organ uprave će, nakon slanja materijala u elektronskoj formi o tome obavijestiti Službu i usmeno, putem telefona,
10. U slučaju zakazivanja sastanka ili drugog događaja neposredno pred njegovo održavanje na kojem iz objektivnih razloga nije moguće prisustvo predstavnika Službe, ministarstvo, odnosno drugi organ uprave će u koordinaciji sa Službom osigurati objavljivanje informacija sa tog sastanka;
11. Sa sastanka/ događaja koji završavaju nakon ili pri kraju radnog vremena u organima uprave informacije će se objaviti u što kraćem roku.
12. U slučaju plasiranja informacija o aktivnostima koje ne spadaju u nadležnost organa uprave Bosansko-podrinjskog kantona Goražde, kao što su informacije iz oblasti javnih i obrazovnih ustanova, različitih udruženja, i sl. potrebno je u saradnji s tim ustanovama osigurati da se Službi pravovremeno dostavi pisani materijal sa fotografijama za objavu na službenoj web stranici Vlade Bosansko-podrinjskog kantona Goražde,
13. Na događajima kao što su dodjele nagrada, različite priredbe ili druge ceremonije, Služba će osigurati optimalan broj fotografija za potrebe službene web stranice; ukoliko ministarstvo, odnosno organ uprave procijeni da će za njegove potrebe biti neophodno napraviti veći broj fotografija, dužno je angažovati profesionalno lice koje će obaviti te poslove,
14. Informacije iz nadležnosti Vlade Bosansko-podrinjskog kantona Goražde i raspored njihovog dnevnog objavljivanja utvrđivaće se nakon jutarnjih konsultacija sa premijerom Bosansko-podrinjskog kantona Goražde.

Član 4.

Za realizaciju ove Odluke zadužuje se Služba za odnose s javnošću, resorna ministarstva, službe, direkcije i uprave u sastavu BPK-a Goražde.

Član 5.

Ova Odluka stupa na snagu danom objavljivanja na službenoj ploči Kantona, a naknadno će se objaviti u „Službenim novinama Bosansko-podrinjskog kantona Goražde“.

V L A D A
BOSANSKO-PODRINJSKOG KANTONA

P R E M I J E R

mr.sci. Emir Oković

Broj: 03- _____
_____._____.2016.godine

G o r a ž d e